

Marci. Orā-  
tes credite  
accipitis.

Ich weiß das mir nit auß Bleyben würt/das teglich anfech-  
ten/ so ich ertrag/ nemlich/ Ja gottis warheyten vnd gelubten  
seint wol gerecht/vnd betriegten niemants. Aber ich byn keyner  
der dartzu vorsehen. O du bößes fleysch / du wuster seynd con-  
cupiscentia/wie manchfeltig yrrestu mich. ¶ Gott ist barma-  
herzig vnd mechtig zu geben/vnd wil auch allen den geben/so  
yhn (ym glauben) bitten vnd zweyffeln nit (das er sie ge weren  
werd) Darumb wil ich dir (du bößer Adam) zuuordieß gott  
glauben/dich vñ alle meyn freund neyden/ vñ mich gegen euch  
(als meynen feynden) weren.

Iohan, 12.

Mich sollen auch meyn sinde (der ich vil gethan) hochlich  
vrsachen vnd anzunemen/ dester gedultiger vnd lieber hon vnd  
spot/zuleyden/ S todt soll mir eyn gesunde artzney sein/ so weyß  
ich auch/das die schufft nit leugt/die sagt/ Welcher sein seel in  
differ welt hasset/ der behut sie zu dem ewigen leben.

Esa,  
Iohan, 15.

Item Christus ist gekumen/ die sunder selig zumachen. Item  
das ist das lembeyn / welches die sund differ welt tregt. Item  
gedenck du der sünden/ so wil ich sie vorgessen/vnd endlich auff  
differ zusag. So yhr in mir bleybēt/ vnd meyn wort in euch bley-  
ben/ alles/das yhr bitten wert/ wirt euch gegeben. Auff diese vnd  
andere trostlichen zusagungen / wil ich steen / wie auff eynem  
felsch/ In Christo/mit glauben vñnd hoffnung vnd lieb  
so wil mir vorlihen wirt/vest bleyben / vnd keyne vngestümheyt  
flihen/vnd yn gotte grösser zuuorsicht seyn/er werde mich gna-  
dig in seynem wort halten/vnd nach erlidem todt/mit ewigem  
leben vorsehen/ Das helff / mir vnd vns allen der güttig gott.

A M E N.

Das hab ich euch/ von fleyschlicher lieb vnd forcht zubren-  
gen/ ym besten damit yhr den zorn gottis emfliehet geschrieben/ )  
demütiglich Bittende/ Ihr wollet euch keyn nachredt lassen be-  
trüben / vnd die sach gott / mit ynnigem gebett/beuelhen / das )  
verdien ich gern/ do mit gott beuolhen Amen. Datū eyling Wit-  
tembergk donstag am xi. tag Octobris. Im xx. Jar.

¶ Gedruckt zu Wittembergk nach Christ gepurt.

1 5 2 0.